



## Mesterlære – skriv med Bjarne Reuter

Atuartut Danmarkimi meerarsiutinik inuusuttorsiuinillu atuakkiortut annerit ilaannit Bjarne Reuterimit ilinniartinneqartikkitt. Aallakaatitami Bjarne Reuter allakkaangami qanoq iliortarnerminik oqaluttuortoq isiginnaassavaat. Tamanna sioqqullugu filmi Zappa isiginnaartiguk oqaluttualiamillu tassannga tigulaakkamit allariaasia misissorlugu. Atuartut Mullep siuteqqumik nerineranik oqaluttuaq allannortillugu allassavaat, taamaasilluni qinngasaarneqartarneq pillugu misigisartagaannut tunngasunnussammat.

- / Fagi: Qallunaatut
- / Atuartinneqartussat: 5. klassinit 8. klassinut
- / TV-kkut aallakaatitaq: Mesterlære - skriv med Bjarne Reuter, DR1, 2020, 29 min.
- / Suliarinnittoq: Trine Ferdinand, qallunaatoornermi siunnersorti CFU KP

→ [mitcfu.dk/TV0000120998](https://mitcfu.dk/TV0000120998)



# Attuumassuteqartut/ piginnaasassaqaqarfigissat

## Atuartut

- / Danmarkimi meerarsiutinik inuusuttorsiuutinillu atuakkiortut annerit ilaat ilisimalissavaat
- / oqaluttualiap filmillu Zappap assigiissutaat assigiingissutaallu misissussavaat
- / Bjarne Reuterillu allariaasianit isumassarsiornermik Mullep siuteqqumik nerinera allangortillugu allassallutik.

## Atuartitsinissamut isumassarsiorfissat

### Atuartitsinissap siornagut

Allakaatitap isiginnaarneqarnissaa sioqqullugu atuartut Bjarne Reuterip oqaluttualiaasa ilaat ilisimasariaqarpaat. Bjarne Reuterip oqaluttualiap pileqqaarnerata ilaa filmilu Zappa oqaluttuarai, taamaasillutik atuartut tv-kkut aallakaatitaq pillugu suliaqannginnerminni filmi isiginnaarsinnaassammassuk oqaluttualiallu ilamernganik atuagaqanngikkunik atuffanneqassallutik.

Atuartut ass. angerlarsimaffiminni Zappa isiginnaalerunikku suliassat ilaannut ilitersuummi matumani kingullinngorlugit ilanngunneqartut ilaanni takuneqarsinnaasumut allattuereersinnaapput. Atuartut eqimattanut amerlanngitsunik inuttalinnut agguarneqassapput, oqaluinnarlutik saqqummiukkumaagassaminnik tamarmik suliassinneqassallutik. Filmimut iserfissaq:

→ [mitcfu.dk/CFUFILM1070736](https://mitcfu.dk/CFUFILM1070736)

Bjarne Reuterip aallakaatitami oqaluttualiaq Zappa filmiliornermi najoqqutassanngorlugi allangortiternialeramiuk qanoriliorsimanini ilitersuisumillu Bille Augustimik suleqateqarnini oqaluttuarai. Taamaattumilluuna atuakkap filmillu assigiissutaasa assigiingissutaasalu misissornissaat soqutiginaruusoq. Suliassat matuma ataaniittut suliarinerisigut taama misissuisoqarsinnaavoq.

Mullep siuteqqumik nerinera Zappameersoq ilisimalluarneqartoq atuartunut isiginnaartiguk, taannarpiarlu oqaluttualiami kapitalimit Den 20. juni 1961-imik qulequtalimmeersoq atuartillugu tusartilluguluunniit.

Suna allaanerussutaava, sunalu oqaluttualiami filmimilu assigiissutaava? Soormitaavaana pisoq taanna filmimi allaalaartumik oqaluttuarineqartoq? Bjarne Reuterip allariaasia ilanngussami tassangga qanoq allaaserisinnaavisiuk? (Quiasaartarnera, toqqaannartumik oqalutsitsisarnera, pisoqarfiusup aqqjissuussaananerani avatangiisiinilu nassuiaasarnera). Aamma allassimasaata qanoq ilusilersorneqarsimanera allaaseriuk. Oqaluttualiaq e-bogitit [mitcfu.dk](https://mitcfu.dk)-mi

→ [mitcfu.dk/CFUEBOG1074834](https://mitcfu.dk/CFUEBOG1074834)

naalaagassatullu Ereolimi

→ [ereolen.dk/ting/object/870970-basis%3A27463576](https://ereolen.dk/ting/object/870970-basis%3A27463576)

nanineqarsinnaavoq.

### Atuartitsinerup nalaani

Maanna atuartut kapitalinut suliassiissutinik tuneriarlugit tv-kkut aallakaatitaq isiginnaartissavat. Kapitalinut suliassiissutini atuartunut apeqquteqartoqartarpoq isiginnaarnermik nalaani akisassaannik. Kisimiillutik amerlanngitsunilluunniit inulinnik eqimattakkuutaarlutik suliarisinnaavaat. Kingorna akissutit atuaqatigiit tamarmiullutik oqaloqatigiissutigissavaat.

### Atuartitsinerup kingornagut

Atuakkiortutut ilinniarnermi soorunami allannermik misillisoqartussaavoq. Atuartullu oqaluttualiami immikkoortut ilaat, Mullep Stenimit siuteqqumik nerisinniarsarineqarnermigut nerinera, allangorlugi allassavaat. Pisoq taanna kapitalip Den 20. juni 1961-imik qulequtsikkap aallartinneraniippoq.

## **Atuakkiortutut ilinniarnermi suliassaq – immikkoortumik allannguilluni allanneq**

Nammineq misilittakkasi misigisimasasilu naapertorlugit Mullep siuteqqumik nerinera allanngorlugu allsavarsi – soorlu Bjarne Reuter taamaasiortoq.

- / PISOQ allanngorlugu allsavarsi, taamaasilluni nammineq misigisimasassitut, takusimasassitut tusarsimasassitulluunniit ittunngussammat.
- / Sumiiffik tassaassaaq ilissi ilisimasarsi.
- / Allanngortitassinni inuttaasut Zappamitut innassapput: Isiginnittoq, qinngasaarneqartoq, qinngasaarisoq. Nammineq aalqangissavarsi nivarsiaqqat nukappiaqqalluunniit pingasuussanersut, immaqa qinngasaarutigisartagaat assigiinngissinnaasarmata. Nukappiaqqat pingasuutinneqassappata Zappamisut ateqartinneqassapput: Mulle, Steen aamma Bjørn. Nivarsiaqqalli pingasuutinneqassappata ima atsikkitt: Mille, Stine aamma Bjørg.
- / Allareerussi atuaqatissinnut isiginnaartitsissutitut atuffassissutigissavarsi. Inuttat agguassavasi, ataaserlu oqaluttuutissavarsi. Sungiussereersimasutut isiginnaartitsissutitullu saqqummiussiuk tusarnaartuulluni pissanganarneroqqullugu.
- / Kapitalimi immikkoortoq siullermi oqaaseqatigiit "Husk at være oppe klokken fem, mormor og morfar kommer!" issuariarlugit tassannga aallartittumik nammineq allassaasi.

Atuartut allallutik aallartinginneranni pitsaassaaq pisartut nuanninngitsut, tassa naapertuilluannngitsuliornerit, pillugit isumassarsioqatigiittoqarsinnaappat.

Padlet una suliassiissutitut atuartullu akissutaasa katersornerannut atorsinnaavat [padlet.com/trine2/zappakopi](https://padlet.com/trine2/zappakopi) Tassani allannguilluni allannissamut assersuutit atuartuneersut nanisinnaavatit. Padlet kopeeruk atuartuutinnillu aaqjissortillugu.

## **Apeqqutit uku eqimattakkuutaartut aallartinginneranni atuartunut isumaliutissiissutigikkitt:**

- / PISOQ nuanninngitsoq suna pitinniarpisiuk? Misigisimasarsi nuanninngitsoq eqqarsaatigisiuk. Tassaasinnaavoq arlaata ilinnut iliuuserisimasaa imaluunniit inummut allamut misigisimasarsi.

Arlaata qinngasaarneqarneranut tunngasuusinnaavoq.

- / Nivarsiaqqat pingasuussappat imaluunniit nukappiaqqat pingasut?
- / Sumi pissava? Sumiiffimmik nalunngisassinnik toqqaagitsi, soorlu Bjarne Reuter Zappami taamaasiortoq. Takorloorsimavaami pisoq najukkami Brønshøjip avatinnnguani orpiit akornanni pisimasoq.
- / Zappami oqaluttuurtup suussusiata assinga atorlugu allassaasi: Kinaassusersiutit pingajuanni (una) Bjørnimit isikkiveqarlusi.
- / Bjarne Reuterip Zappami pineratut allanniaraluassaasi. Allariaasia allassimasaatalu isusilersornera pillugit allattukkasi takusigit.

Atuartut allatit isiginnaartitsissutitut atuaqatiminnut saqqummiutissavaat, kingornagullu matuma kinguliiniittut najoqqutaralugit imminnut qisuariafigissallutik. Allanneqarsimasut oqaatsitigut saqqummiunneqarnerini allanneqarsimasut isigineqartassapput.

- / PISOQ naapertuilluannngitsuliorfiusoq, tassa pisoq nuanninngitsoq, tusassallugu pingaaruteqarlunilu soqutiginaateqarpa?
- / Misigisartakkassinnut assingua?
- / Sungiussisimarpaluttumik pissanganarsaakkamillu saqqummiunneqarpa?
- / Bjarne Reuterip allariaasianut qanoq eqqaanaateqarpa?
- / Oqaluttualiatut allanngortiterneqartut ataqqissugaava?

## **Atortussat tapiliussassat**

Allakkatigut ilanngunneqartut takukkit




## Ilangussaq


# Filmimut Zappamut suliaasat

Suliaasat ukua ilaat ataaseq amerlanngitsunik inuttalinni eqimattakkuutaarlusi suliarissavasi. Padletimi akissutigisarsi allasavarsi. Akissuteqannginnissinni suliasap apeqqutillu oqallissutigeqqaarnissaat pingaaruteqarpoq. Kingorna atuqaatissinnut oqaatsitigut saqqummiutissavarsi. Eqqaamasiuk kina qanoq oqassanersoq isumaqatigiissutigissagassiuk.

- 1/ Sten.** Stenip qanoq ittuunera nukappiaqqanilu qanoq inissisimamera allaaserisigit. Sooruna Steni aqutsinissaminik ikinngumminillu naalagarsiortitsinissaminik pisariaqartitsisoq? Filmip ingerlanerani ineriartorpa, aamma qanoq?
- 2/ Bjørn.** Bjørnip qanoq ittuunera nukappiaqqanilu qanoq inissisimamera allaaserisigit. Sooruna Bjørni Stenip naalagaanera pillugu iliuseqarnissaminik ajornartitsisoq? Naggataagullu taassumunnga qanoq pisoqarpa? Filmip ingerlanerani ineriartorpa, aamma qanoq?
- 3/ Mulle.** Mullep qanoq ittuunera nukappiaqqanilu qanoq inissisimamera allaaserisigit. Sooruna nukappiaqqani pissaanikinnerpaasoq, aamma sooruna Stenimi nikanarsarneqartoq? Filmip ingerlanerani ineriartorpa, aamma qanoq?
- 4/ Stenip angerlarsimaffia ilaqaataalu.** Stenip ilaqaataasa angerlarsimaffiatu qanoq ittuuneri allaaserisigit. Assiliaq matuma ataaniittoq takuuk. Ilaqutai inuiaqatigiinni sumi inissisimappat? Angerlarsimaffiani pissutsit Stenip qanoq ittuussusianut sutigut sunniuteqarpat?
- 5/ Bjørnip angerlarsimaffia ilaqaataalu.** Bjørnip ilaqaataasa angerlarsimaffiatu qanoq ittuuneri allaaserisigit. Assiliaq matuma ataaniittoq takuuk. Ilaqutai inuiaqatigiinni sumi inissisimappat? Angerlarsimaffiani pissutsit Bjørnip qanoq ittuussusianut sutigut sunniuteqarpat?



- 6/ Mullep angerlarsimaffia ilaqaataalu.** Mullep ilaqaataasa angerlarsimaffiatu qanoq ittuuneri allaaserisigit. Assiliaq matuma ataaniittoq takuuk. Ilaqutai inuiaqatigiinni sumi inissisimappat? Angerlarsimaffiani pissutsit Mullep qanoq ittuussusianut sutigut sunniuteqarpat?



- 7/ Qulequtaq.** Filmip qulequtaa "Zappa" – Sooruna filmi aalisakkap aalisagaqamminik nerisartup aqqanik atserneqarsimasoq? Stenimuna Zappa sutigut tiguartiffigisimagaa? Steni Zappalu sanilliusigut.
- 8/ Piffissaq.** Filmimi qallunaat 1960-ikkunni inuiaqatigiittut aqqissuussaananerannik takutitsivoq. Piffissami tassannga assilisanik assersuutigineqarsinnaasunik ujarleritsi.

(Filmcentralen.dk-ip filmimut suliaasiissutaanit isumassarsiorluni suliaq)